

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BOSANSKA KRUPA  
GRADSKO VIJEĆE

Broj: 01-02-392-7a/22  
Dana, 28.10.2022.godine

Na osnovu člana 2.12. stav (5) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10. i 18/13,7/14 i 31/16, 41/20), člana 7. Uputstva o utvrđivanju kvalifikacija, broja, razrješenju i imenovanju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 1/2022- prečišćen tekst i 13/22) i Odluke o objavljivanju javnog oglasa za imenovanje 3 (tri) člana Gradske izborne komisije Bosanska Krupa, broj:01-02-392-7a-1/22 od 28.10.2022.godine, Gradsko vijeće grada Bosanska Krupa, dana 01.11.2022.godine, objavljuje:

## **JAVNI OGLAS** **za imenovanje tri člana Gradske izborne komisije Bosanska Krupa**

### **I**

Raspisuje se Javni oglas za imenovanje tri (3) člana Gradske izborne komisije Bosanska Krupa.

Članove Gradske izborne komisije Bosanska Krupa (u daljem tekstu: GIK) imenuje Gradsko vijeće Grada Bosanska Krupa, uz saglasnost Centralne izborne komisije Bosne i Hercegovine.

Mandat članova izborne komisije traje 7 (sedam) godina i teče od dana davanja saglasnosti Centralne izborne komisije Bosne i Hercegovine na odluku Gradskog vijeća Grada Bosanska Krupa o imenovanju članova GIK.

U skladu sa Izbornim zakonom i Uputstvom, kandidat za člana GIK, mora ispunjavati opće i posebne uslove.

### **II**

Opći uslovi:

- a) da je osoba sa pravom glasa;
- b) da je osoba sa odgovarajućom stručnom spremom i iskustvom u provođenju izbora.

Posebni uslovi:

- a) da ima prebivalište u gradu Bosanska Krupa;
- b) da ima završen fakultet VII/1 stepen stručne spreme ili završen fakultet Bolonjskog sistema studiranja sa najmanje 180 ECTS;
- c) da ima iskustvo u provođenju izbora.

Pod iskustvom u provođenju izbora, podrazumijeva se:

- a) članstvo u izbornoj komisiji;
- b) članstvo u biračkom odboru na izborima obuhvaćenim Izbornim zakonom BiH.

Izuzetno, član Gradske izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija nema prijavljenih kandidata koji ispunjavaju uslove tražene javnim oglasom, radi primjene člana 2.14. stav 1. Izbornog zakona BiH, vodeći računa o posljednjem popisu stanovništva.

Izuzetno, član Gradske izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 2.000 birača upisanih u Centralni birački spisak ili se radi o ponovnom izboru (reimenovanju) člana Izborne komisije odnosno ako je potrebno ispoštovati odredbe člana 2.14 stav 1. Izbornog Zakona BiH.

U skladu sa odredbom člana 4. stav (1) Uputstva, član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 stav (1) i (2) Izbornog zakona BiH, a nemaju smetnji iz člana 2.3 Izbornog zakona BiH.

U skladu s odredbom člana 4. stav (2) Uputstva, za člana izborne komisije ne može biti imenovano lice obuhvaćeno članom 2.3 Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

### III

U skladu s odredbom člana 2.14 Izbornog zakona, sastav GIK je multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se tijelo nadležno za provedbu izbora osniva, vodeći računa o posljednjem popisu stanovništva provedenom na državnom nivou. U sastavu GIK nastojat će se osigurati zastupljenost spolova u skladu s Zakonom o ravnopravnosti spolova u Bosni i Hercegovini.

### IV

U skladu s odredbom člana 2.3 Izbornog zakona, za člana GIK ne može biti imenovana osoba:

1. koja se ne može kandidovati u smislu odredbi člana 1.6, 1.7 i 1.7a Izbornog zakona;
2. koja je član najvišeg izvršno-političkog tijela političke stranke ili koalicije (predsjednik, potpredsjednik, glavni sekretar, sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog tijela vlasti, osim u slučajevima predviđenim članom 2.12 stav (4) Izbornog zakona;
4. koja je kandidat za izbore za bilo koji nivo vlasti i
5. kojoj je izrečena kazna za radnju koja predstavlja težu povredu izbornih zakona ili propisa za koju je osobno odgovorna, u posljednje četiri godine, računajući od dana pravomoćnosti odluke.

### V

U skladu s odredbom člana 2.12 stav (7) Izbornog zakona, član GIK ne može biti zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.

## VI

Centralna izborna komisija sačinjava listu pitanja iz četiri različite oblasti iz izbornog zakonodavstva i izbornog procesa i to: nadležnosti izbornih komisija i biračkih odbora; provedba izbora i zaštita izbornog prava; planiranje aktivnosti i budžet; Etički kodeks organa za provođenje izbora i poslovnik o radu izbornih komisija. Lista pitanja za intervju sa kandidatima bez odgovora na pitanja, je objavljen na internet stranici Centralne izborne komisije Bosne i Hercegovine i na taj način je dostupno javnosti, na web stranici:

<https://www.izbori.ba/Documents> Etički kodeks, lista pitanja i procedure za imenovanje i razrješenje izbornih komisija

a koja će biti predmet intervjuja.

Komisija za provođenje postupka po javnom oglasu postavlja kandidatima ukupno tri pitanja iz različitih oblasti navedenih u prethodnom stavu.

Svaki član konkursne komisije ocjenjuje sva tri odgovora kandidata jednom zbirnom ocjenom. Zbirna ocjena iz intervjuja za odgovore kandidata za sva tri odgovora kandidata može biti u rasponu od 1. do 5. Konačna ocjena kandidata na intervjuu predstavlja zbir ocjena koje je kandidat dobio od svakog člana konkursne komisije na intervjuu, podijeljena sa brojem članova konkursne komisije koji su provodili intervju i izvršili ocjenjivanje (srednja ocjena).

Po završetku intervjuja vrši bodovanje kandidata prema sljedećim kriterijima.

Stručna sprema	Broj bodova
Visoka stručna sprema	5

Ukoliko su kandidati pravni stručnjaci sa iskustvom u provedbi izbora i/ili izborni stručnjaci, dodatno se boduju, kako je to propisano članom 10. stav (7) Uputstva, i to:

Dodatno bodovanje	Broj bodova
Naučno zvanje (mr/dr) iz oblasti prava ili oblasti izbora	mr – 2 dr-3
Nosioci pravosudnih funkcija	3
Položen pravosudni ispit	2
Prisustvo obukama u organizaciji CIK BiH - jednoj ili više obuka	1

Izborna iskustvo	Broj bodova
1.Predsjednik izborne komisije	4
2.Član izborne komisije	3
3.Sekretar izborne komisije	2
4.Zamjenski član izborne komisije	2
5.Predsjednik biračkog odbora	2
6.Član/zamjenik člana biračkog odbora	1

Da bi ostvarili pravo na dodatno bodovanje, kandidati su dužni, uz prijavni obrazac, dostaviti dokaz o naučnom zvanju iz oblasti prava ili oblasti izbora, i/ili položenom pravosudnom ispitu, i/ili o nosiocu pravosudne funkcije, i/ili prisustvu obukama u organizaciji Centralne izborne komisije BiH, i/ili dokaz o poziciji u izbornoj komisiji, odnosno biračkom odboru.

Konkursna komisija prilikom dodatnog bodovanja kandidata po osnovu izbornog iskustava, kandidatu dodjeljuje broj bodova koji je po svojoj visini najpovoljniji za kandidata, i to po samo jednom osnovu.

## VII

Prilikom prijavljivanja na Javni oglas, kandidati su dužni dostaviti sljedeću dokumentaciju:

1. prijavni obrazac sa kontakt podacima: ime, prezime, ime oca, adresa, broj telefona za kontakt, e-mail adresa, podatke o trenutnom zaposlenju (Naziv poslodavca i radno mjesto, odnosno poslovi koje kandidat trenutno obavlja), naznaka da li se radi o kandidatu muškog ili ženskog spola, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa, i to;
2. ovjerenu kopiju diplome o stečenoj stručnoj spremi kandidata, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma.
3. dokaz o izbornom iskustvu kandidata, koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
4. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH, ukoliko kandidat ispunjava uslove da bude dodatno bodovan;
5. obrazac PBA-3 o prebivalištu kandidata (ne stariji od tri mjeseca, od dana izdavanja od strane nadležnog organa);
6. izjavu o nacionalnom izjašnjenju kandidata, sa posljednjeg popisa stanovništva u Bosni i Hercegovini, svojeručno potpisanu i ovjerenu kod nadležnog organa (kandidat u izjavi je dužan naglasiti nacionalno izjašnjenje sa posljednjeg popisa stanovništva u BiH.);
7. izjavu imenovanog kandidata da nije obuhvaćen odredbama člana 2.3 Izbornog zakona BiH, svojeručno potpisanu i ovjerenu od strane nadležnog organa - (Prilog 5. Uputstva – dostupan na web stranici Grada Bosanska Krupa, uz Javni oglas);
8. izjavu kandidata da nije zastupnik, odnosno punomoćnik političkog subjekta, koji učestvuje na izborima ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže, svojeručno potpisanu i ovjerenu od strane nadležnog organa;
9. izjava da nije bio kandidat za bilo koji nivo vlasti na posljednjim općim i/ili posljednjim lokalnim izborima, svojeručno potpisanu i ovjerenu od strane nadležnog organa.

## VIII

Prijavni obrazac dostupan je na web stranici Grada Bosanska Krupa, uz Javni oglas.

Prijave za ovaj Oglas dostaviti u zatvorenim kovertama sa naznakom „Javni oglas za imenovanje 3 (tri) člana Gradske izborne komisije Bosanska Krupa – ne otvaraj“ na sljedeću adresu:

Grad Bosanska Krupa  
Gradsko vijeće Grada Bosanska Krupa  
Komisija za provođenje postupka po javnom oglasu  
TRG AVDE ČUKA BB  
77240 Bosanska Krupa

Po zatvaranju Javnog oglasa Komisija za provođenje postupka po javnom oglasu izvršit će pregled prijava i klasifikaciju kandidata na one koji ispunjavaju uslove i na one koji ne ispunjavaju uslove iz Javnog oglasa.

Sa kandidatima koji ispunjavaju uslove javnog oglasa, Komisija za provođenje postupka po javnom oglasu će obaviti intervju, te izvršiti bodovanje kandidata prema kriterijima iz tačke VI. ovog Oglasa, nakon čega će sačiniti rang listu sa redoslijedom kandidata prema uspjehu (ukupan broj bodova).

Nadležni organ –Gradsko vijeće grada Bosanska Krupa će cijeneći položaj kandidata na rang listi izvršiti imenovanje članova i akt o imenovanju dostaviti na saglasnost Centralnoj izbornoj komisiji BiH.

Nepotpune i neblagovremene prijave neće biti uzete u razmatranje.

Javni oglas ostaje otvoren 8 (osam) dana od dana objavljivanja na Oglasnoj ploči grada Bosanska Krupa, web stranici Grada Bosanska Krupa i na Radiju Bosanska Krupa.

PREDSJEDAVAJUĆI GRADSKOG VIJEĆA  
Alen Lipovača